



# Synfocity = 853

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

August 11, 2022

## ❑ Synfo leh Central KTP tangkawpin a buatsaih Mal Zai (Solo) Intihiak

Synfo leh Central KTP tangkawpin a buatsaih Praise On Solo Competition (Mal Zai Intihiak) chu kumin 2022 September 26 atangin neih tan a ni dawn a, chumi inbuatsaihna atan chuan August 9, 2022 (Thawhlejni) chawhnu dar 2 khan Synod Office, Devotion Hall-ah mawhphurtute inhmukkhawmna hun an hman.

Inhmukkhawmna hun hi Pu Lalchungliana, Organising Chairman leh Synfo Coordinator ni bawh chuan a kaihrui a, Pu Lalrempuia, Organising Secretary-in hriattur tul pawimawh hrang hrangte sawiin inhmelhriattirna a nei nghal bawh. Upa Zonunmawia, Organising committee member-in thu tawi a sawi a, Synfo-in intihsiakna hrang hrang a lo neih tawh dan te pawh a sawi a, chumi hnuah Pu LV Lalthantluanga, Organising member-in Elimination Round Endik dan tur hrang hrangte a sawi hawng a, sawihona neih zui niin zawhna leh chhanna hun te hman ani bawh.

Synfo hian 2015 atangin Reality Show hrang hrang Quiz, Solo, Group Singing, Beat Group, Zaipawl Festival leh Film insiamsiak hman te in intihsiakna a lo buatsaih tawh a. Kumin hian Central KTP nen tangkawpin Mal Zai (Solo) intihsiak a buatsaih leh dawn a, Elimination Round hi District 6-ah hetiang hian neih tura ruahman a ni,

Kolasib - September 26, 2022

Lunglei - September 27, 2022

Mamit - September 28, 2022

Serchhip - September 29, 2022

Champhai - September 30, 2022

Aizawl - October 3 - 6, 2022

Second Round, Top 50, Top 20, Top 10 leh Final Round hmanga inelna neih chhunzawm a ni ang.

## ❑ Synod Mission Board leh ram pawn chet velna

### ◆ Barak Area Mission Field

August 5 & 6, 2022 khan Diphu Presbytery chhunga Kohhran Upa Retreat, Dokmoka-a Marlulango Biak Inah tluang takin hman a ni. Dokmoka hi Karbi rama Mizo Missionary Nurse hmasa ber Sister Lianchhungi thawhna hmun, a chenna Quarters, Chanchin Tha a vahvaihpuna hmun a ni a, Karbi mite hnena Buhfaitham a zirtirna hmun a ni.

### ◆ Odisha Mission North

August 5, 2022 (Zirtawpni) khan Odisha Mission Field-a Adava biala Budapangka khuaah Free Medical camp neih a ni a, damlo mi 41 en an ni a, Health Worker Pi H. Lalmingchhuani hovin bial chhung missionary ten Free Medical Clinic hi an nei a ni.

### ◆ Masihi Sangati

August 5 - 7, 2022 chhung khan Siaha Kohhran Silver Jubili hall-ah, Siaha khawpuia hnam dang ringlo te ko khawmin Masihi Sanghati Crusade neih a ni a. He Crusade neih pui tur hian lunglei atangin Gospel team leh Lawngtlai atangin Bialtu Pastor Rev. Zorammuana te an kal a, Crusade chhung hian ringlo mi 104 hruai khawm niin mi 73 Lal Isua zui turin an inpe.

### ◆ Assam Mission Field

August 7, 2022 (Pathianni) khan mi 1 Lal Isua zui turin an inpe.

### ◆ Arunachal & Assam Mission Field (East)

August 7, 2022 (Pathianni) khan mi 1 Lal Isua zui turin an inpe.

### ◆ Arunachal & Assam Mission Field (West)

August 7, 2022 (Pathianni) khan mi 3 Lal Isua zui turin an inpe.

### ◆ Jharkhand Mission Field

August 7, 2022 (Pathianni) khan mi 1 Lal Isua zui turin an inpe.

◆ **Nepal Mission Field**

August 7, 2022 (Pathianni) khan mi 8 Lal Isua zui turin an inpe.

◆ **Zin**

- ◆ August 5 - 16, 2022 chhungin Jharkhand, Patna, Lucknow leh Delhi-ah te Field Committee neiin Rev. R. Lalhmingsanga, Secretary leh BEC member te Rev. C.S Rila leh Upa R. Zodingliana te an kal.
- ◆ August 8 - 13, 2022 chhungin Teacher Consultation leh Karbi Anglong Mission Field-a Mission School tlawhin Pu T. Lalchhuangliana, Supervisors of Schools a kal.

☐ **Kohhran Hmeichhia**

- ◆ August 9 - 11, 2022 chhung hian Shillong-ah PWF Committee-in Pi Sailuti, Central Kohhran Hmeichhe Chairman a kal.
- ◆ August 13 & 14, 2022 hmang hian Mualcheng-ah Leadership Training leh Kristian Chhungkaw Campaign nei turin Central Kohhran Hmeichhe Hruaitute Pi Lalṭhakimi, Pi Lalhmachhuani, Pi H. Zachhingpuii leh Pi Lalnunhlimi te an kal ang.

☐ **Finance**

- ◆ August 12, 2022 (Zirtawpni) hian Tuidam Bialah Accounts Training neihpui turin Pu Zaihmingthanga Fanai, Accountant leh Pu J. Malsawma, OA te an kal ang.
- ◆ August 13 & 14, 2022 hian Hortoki Bialah Finance Campaign nei turin Rev. P.C. Pachhunga leh Rev. B. Sangthanga te an kal ang.

☐ **Worship**

August 12, 2022 (Zirtawpni) hian Thingdawl-ah Conductors Training neihpui turin Pu H. Lalrinmawia, Senior Music Instructor a kal ang.

☐ **MSSU**

August 13 & 14, 2022 hian Sakawrdai Bialah Sunday School zirtirtu training neihpui turin Pu HK Hmingthanuala, Asst. Coordinator leh MSSU Trainer te Rev. Dr. B. Lalnunzira leh Upa K. Vanlalnghaka te an kal ang a, inrinni zan aṅanga Pathianni zan thlengin Bial chhung Kohhranah hun an hmang nghal ang.

☐ **SL&PB**

August 13 & 14, 2022 hian Biata-ah Literature Seminar neihpui turin Rev. Lalbiaknia, Editor; Pi Rinsailovi, Asst. Editor leh Pu Eric Lalnunmawia, OA te an kal ang.

☐ **Synod Social Front**

- ◆ August 13 & 14, 2022 hian Saitual Bialah Social Front Campaign nei turin Campaigner te Rev. Johana, Upa J. Lalzamliaana leh Pu Alan Lalmuanpuia te an kal ang.
- ◆ August 13 & 14, 2022 hian Sihphir-ah Social Front Campaign nei turin Campaigner te Rev. Dr. H. Lalnunmawia, Dr. H. Saithantluanga leh T.Upa Lalrammuana te an kal ang.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aṅangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Bungtlang	Vanduaina tawk	6	Rs. 50,000/-
2.	Melthum	Damlo	3	Rs. 24,000/-
			<b>BELHKHAWM</b>	<b>Rs. 74,000/-</b>

☐ **AUGUST 12, 2022 (Zirtawpni) (FM Zoawi - Aizawl & Lunglei @ 7:30 p.m.):**

- Solo** : F. Laldinpuii - Min sawm e
- Zaipawl** : Muallungthu Bial Zaipawl - Famkimna kraws
- Thusawi** : Rev. Dr. C. Chawngghmingliana - Pathian ropui zia thilsiam atangin
- Solo** : V.L Hruaitluangi - Aw Isu ka ngen a che
- Zaipawl** : Kulikawn Bial Zaipawl - Pathian hnaih hi a tha a ni.

- ❑ **Susamachar Prasaran Programme :**  
**AUGUST 14, 2022 (Pathianni) 5:00 pm. :**  
**Group/Choir/Solo :** Koilamati Pastorate Choir - Ili sangjoi  
**Group/Choir/Solo :** Durtlang Masihi Sangati - Laher  
**Sermon :** Rev. Laltharzuala - Sansar se Prem na karo  
**Group/Choir/Solo :** uangmual Vengthlang - Tumhara Mann Biakul Na Ho  
**Group/Choir/Solo :** Siyon Swaram - Tere Charno
- ❑ **Moderator leh Executive Secretary-te Programme:**  
**Rev. Dr. Vanlalnghaka Ralte : Moderator**  
Aug. 14, 2022 Nisapui Bial - Chawhma - Serkhan Kohhran  
Chawhnu - Zanolawn Kohhran  
Zan - Nisapui Kohhran
- Rev. C. Zoramawia : Senior Executive Secretary**  
Aug. 16, 2022 Theological Education Board
- Rev. V.L. Luaia Hranleh : Executive Secretary**  
Aug. 16, 2022 Hmangaihna In Managing committee  
Aug. 17, 2022 PRESCOM BEC  
Aug. 18, 2022 Hospital BEC  
Aug. 19, 2022 Central Kohhran Hmeichhe committee  
Aug. 21, 2022 FG&CC Awareness Campaign
- Rev. Dr. K. Lallawmzuala : Executive Secretary**  
Aug. 15 - 26, 2022 Field Committee - Siliguri, Nepal, Kolkata leh Odisha

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni  
Dil hun chhung : August 23, 2022 (Thawhlehi) tlai dar 3:00 thleng  
Dil thei chin : Class VII passed, kum 16 chin, Kohhran dan chhunga awm  
Interview : August 30, 2022 (Thawhlehi) chawhma dar 10:00  
Class tan hun : September 6, 2022 (Thawhlehi)  
Zir hun chhung : September - December, 2022

Hrechiang duh tan Phone No. **0389-2317343/8974613378**-ah zawhfiah theih a ni.

*Sd/-*

Rev. Lalrinsanga  
Principal  
Presbyterian Bible School